

## **Ameasas aumenta dramátiku ba MP sira Sudeste Aziátiku iha tinan kotuk, relatóriu hetan**

Lejizladór sira iha Sudeste Aziátiku tomak sofre tiha ho ameasas no asédiu ne'ebé aumenta drástikamente iha tinan kotuk, ne'ebé halo parte ba golpe militar iha Mianmar, maibé mós akontesimentu foun sira ne'ebé preokupante iha parte sira seluk rejiaun nian, ne'ebé hetan tiha ona husi relatóriu foun ida Membrus Parlamentu ASEAN ba Direitus Umanus (APHR).

Númeru Membrus Parlamentu (MP sira) detidu iha Sudeste Aziátiku aumenta tiha drástikamente iha tinan ida-ne'e, husi na'in-ida de'it iha tinan 2020, to'o na'in-91 iha tinan 2021, APHR halo tiha apuramentu iha ninia relatóriu foun *Parliamentarista sira iha Risku: Repezália sira kontra MP sira husi opozisaun iha Sudeste Aziátiku iha tinan 2021*. Aumentu derrepente ne'e akontese iha fatin hotu-hotu devidude akontesimentu sira Mianmar, ne'ebé militar sira toma tiha poder iha golpe iha fulan-Fevereiru. Maibé, iha ona akontesimentu foun sira ne'ebé alarmante iha parte sira seluk rejiaun nian, inklui Tailândia, Filipinas, no Malázia, APHR dehan. Embora relatóriu ne'e la apresenta detalladu, eis lejizladór sira opozisaun nian mós sai tiha ona alvu iha Camboja.

*"Tinan ida-ne'e sai nafatin tinan nakukun ida tan ba direitus umanus iha Sudeste Aziátiku, no hanesan ita-nia rejiaun ne'e monu kle'an liu tan ba autoritarizmu nia liman, lejizladór eleitu sira ne'ebé iha entre hirak-ne'ebé sai ona alvu, partikularmente hirak-ne'ebé defende desénsia báziku, direitus umanus, demokrasia,"* Teddy Baguilat Jr, Membru Konsellu APHR ida no eis Membru Parlamentu (MP) Filipinas dehan. *"Akontesimentu foun sira iha Mianmar partikularmente preokupante ona, ne'ebé opozisaun hetan atake husi junta, maibé mós iha preokupasaun sira iha fatin sira seluk, ho governu sira uza COVID-19 hodi minimiza MP sira opozisaun nian, no hamenus papél importante supervizaun ne'ebé sira dezempeña iha demokrasia ida."*

*"Aleinde MP sira prezu meramente tanba kumpri sira-nia mandatu hanesan representantes povu nian, ita mós sai testemuña ba ameasas ne'ebé halo ba lejizladór hirak-ne'e tanba sira hala'o sira-nia servisu, hanesan mós kampanhas orkestra ba asédiu judisiál no dezinformasaun, ne'ebé ho objetivu tantu dezakredita sira no halo sira nonook,"* Baguilat dehan.

Iha meiu ba katástrofe direitus umanus ne'ebé akontese iha Mianmar, opozisaun política, partikularmente membrus Liga Nasionál ba Demokrasia (NLD), ne'ebé manán tiha eleisaun tinan 2020 ho maioria ida, sai tiha alvu proeminente ida. Junta ne'e suspende tiha parlamentu nasional no sub-nasional sira, no retira tiha MP sira ne'ebé eleitu demokrátikamente husi



sira-nia asentus sein justifikasaun legál ka konstitusionál. Pelumenus parlamentaristas na'in-90 sei kontinua iha detensaun ka iha prizaun domisiliár, enkuantu sira seluk subar tiha hodi prevene destinu hanesan.

*"La satisfoitu ho na'ok rezultadu eleisaun 2020 povu nian, junta militar iha Mianmar tenta tiha hodi justifika ninia tomada poder hodi taka parlamentu, declara grupu formadu husi MP sira ne'ebé eleitu demokrátikamente, hanesan 'ilegál', no dadur tiha MP sira-ne'e kuaze na'in-100 ho akuzasaun falsus," dehan Charles Santiago, Prezidente APHR no MP Malázia ida. "Durante tinan kotuk, povu Mianmar dehan ona ho lian maka'as no klaru, sira-nia representantes mak sé – hirak-ne'ebé sira eleje tiha iha eleisaun tinan 2020 – no autór internasionál sira hotu, inklui ASEAN, tenke kondena militar Mianmar iha termus ne'ebé forte liu, husu libertasaun ba ema hotu ne'ebé hetan detensaun arbitrariamente dezde golpe ne'e, inklui MP sira, no ba nasaun ne'e atu filafali ba dalan demokrasia."*

Embora situasaun iha Mianmar domina tiha ona notísias prinsipál, lejisladór sira mós iha risku iha parte sira seluk iha Sudeste Aziátiku, notávelmente Malázia, Filipinas, no Tailândia, APHR dehan.

Iha Malázia, iha fulan-Janeiru, governu depoiz - Primeiru Ministru Muhyiddin Yassin uza tiha pandemia COVID-19 hanesan justifikasaun ida hodi impoin estadu de emerjénsia, enkuantu parlamentu suspende tiha durante fulan hitu resin. Polítiku sira opozisaun nian iha entre alvu sira represaun aas iha diverjénsia, ho pelumenus lejisladór na'in-sanulu mak interrogadu ka akuzadu tanba hato'o kórtikas relasionadu ho abuzus direitus umanus ka suspensaun ba parlamentu.

Iha Filipinas, kampaña sira dezinformasaun, amegas no hanaran tiha *"marka mean / red-tagging"* husi lejisladór sira opozisaun nian aumenta meius hodi halo alarme antes ba eleisaun jerál sira be hala'o iha tinan 2022, enkuantu Prezidente Rodrigo Duterte no funsionáriu altu nivel sira seluk halo akuzasaun sira sein fundamentu kontra lejisladór sira eskerda nian, alega sira apoia insurjénsia komunista armada ida. Senadora Leila de Lima sei iha prizaun, no detidu arbitrariamente kuaze tinan lima ona.

Enkuantu, iha Tailândia, governu no ninia aliadu sira kontinua promove prosesu kriminál falsus kontra lejisladór sira Move Forward Party (MFP), enkuantu MP sira opozisaun mós sai alvu ba abuzu sira online jeneralizadu, dala barak liuhusi meius *"operaun informasaun"* orkestra ne'ebé koordinadu iha altu nivel husi autór sira be afiliadu ba estadu.



# ASEAN PARLIAMENTARIANS FOR HUMAN RIGHTS

*"Atake ida ba MP ida nu'udar atake ida ba demokrasia. Asédiu sistemátiku ba MP sira – tantu online, offline, judisiál ka seluk – klaramente ho objetivu hodi impede sira para hala'o sira-nia servisu, no atusaun hanesan reprezenta povu hodi halo check and balance," Baguilat Jr dehan. "Papél MP sira-nian, absolutamente krusiál iha demokrasia ida, partikularmente durante pandemia tinan rua ikus ne'e, ka ho eleisaun sira besik, hanesan kazu iha Filipinas no Camboja."*

*"Meiu ida atake ba demokrasia, ita sai testemuña ba rejiaun tomak, hirak-ne'ebé servisu para proteje demokrasia ne'e tenkesér hamutuk no foti asaun ho lian ida hamutuk. Ita husu ba ita-noa governu sira Sudeste Aziátiku tomak atu ho sira-nia podér halo buat hotu-hotu hodi proteje direitus umanus MP sira hotu nian, no insiste ba kolegas parlamentaristas atu denunsia abuzus ne'ebé sira hetan iha kada momentu," Baguilat dehan.*